

9846

# فین السرائر جلد اول

هر حق محفوظ قالمق اوزره معارف عمومیه نظارت جلیله سی امر  
ورخصتیه ترتیب و طبع اولنمیشدر

انات مطب ابتدایه سنک او مهنجی منه منه مخصوصدر

« طبعه ثالثه »

مطبعه عامره نك مهری بولنمیان نسخه لر ساخته در



۱۳۱۹

فیثاتی ۱۰ پاره





## قیرلر خواجه سی

بِسْمِ اللَّهِ الرَّحْمَنِ الرَّحِيمِ

الحمد لله رب العالمین . وصلوات الله تعالی وسلامه علی خیر خلقه محمد  
سید المرسلین . وعلیهم وعلی آله وصحبه اجمعین .

چو جققلر ! انسان قسیمی عقلی ، فکری بر مخلوق اولدیندن یالکیز  
بر کورنشدن عبارت دکلدرد . انسانلرک کوزه کورینور بر قابی اولدیغی  
کبی برده کوزه کورنمز بر روحی واردرد . بوراده روحدن مقصود من  
حیوانلرده دخی بولنان حیاتدن بشقه بر معنادر .

انسانک میدانده اولان قالبنه « جسد » و « بدن » تعبیر اولنور که ،  
آنک برشیدن خبری یوقدر . شو قدر که حیات سببیلله انسان اوشومکه  
وایصنمغه وصوصانغه و آجیقمنغه او واسطه ایله معروض اولور .

میدانده اولمیان و او حیاتدن بشقه اولان روحنه نفس ناطقه و جوهر  
عقل و عرفان تعبیر اولنور که اطف حق ایله بوهر شیشی آکلار و اوسایده  
انسان الکمکل بر مخلوق اولور .

ظاهر بدنلری ایچون هر کس بیه جکه وکیه جکه وبارینه جق مکانه  
محتاج اولدیغی کبی باطن حاللری و مکملیت عقل و عرفانلری ایچون دخی  
ایمان و عمله محتاجدر . ظاهر لرنجه انسانلرک محتاج اولدقلری شیئلری عادتلر  
تعیین ایتمکه وهر کس او خصوصلرجه عاده تابع اولوب کیتمکه در .  
باطنلری ایچون محتاج بولندقلری شیلری — که برنجیسی ایمان ، ایکنجیسی



عملدر — تعیین ایلله جک شی دین و شریعتدر . بزم دین و شریعتیز اسلامدر .  
او بزم عاداتیزه دخی اصول و آداب تعیین ایتشددر .

بزشمدی دین اسلامک بزه اصل امر ایتمکده اولدیغی ایمان ایلله عمله باقهلم :

## ایمان

ایمانه — اینانققدر . اینانه جغمز شیرلی شوجه جاعدر :

« لا اله الا الله محمد رسول الله » یعنی حق تعالی واردر وبردر .  
وحضرت محمد علیه الصلاة والسلام پیغمبردر . بزه خبر و یروب بیان  
بیورمشدر که : الله تعالی واردر ؛ و شریک و نظیری یوقدر ؛ و آنک ملکلری  
و کتابلری و پیغمبرلری و قضا و قدری و یوم آخرت دخی واردر .  
بوکا بویله جه اینانوب لساناً دخی اقرار ایدر ایسهک ایمان ایتمش  
و مؤمن و مسلم اولمش اولورز .

الله تعالی — رب العالمیندر . بزی ویری و کوکی و کوروب بیلدیگمز  
ده . اینجه مخلوقلری یاراتمشدر . دائمدر ؛ یعنی ازلاً و ابداً موجوددر .  
یوفای کوزلر آنی کورمن . اوهر شیئی کورر و بیلور .  
ملطره — بزه کورنمیان بر طاقم کوزل مخلوقلردر . آنلرده حق  
تعالی نیک قوللریدر . نه ارکک و نه دیشیدرلر . دائماً اکا عبادت و امر و نهینه  
اطاعت ایدرلر . بزم کبی سیوب ایچمز لر و او یومازلر .

کتابدر — جناب حقک پیغمبرلره — قوللرک سلامت و سعادتلری  
ایچون — وحی و انزال بیوردیغی کتب مبارکهدر .  
پیغمبرلر — وضع الهی اولان دین و شریعتی امر الهی ایلله قوللره  
تبلیغ ایدن ذوات عظامدر . آنلر الله تعالی نیک خاص قوللریدر . پیغمبرمن  
حضرت محمد علیه السلام آنلرک افضل و خاتمه سیدر . آندن اول بر چوق  
پیغمبران کزین کیش کچمش و بعضارینه کتاب مخصوص دخی نازل اولمشدر .



وآندىن صكره پىغمبر كلامشدر، و كىمىه جكدىر . و كىندىلرىنه بر كىتاب عظيم الشان دىخى انزال بىورلمشدر كه او كىتاب جليل « قرآن » و « كهرم قىمىم » و « مصحف شريف » دىو او قومقده واز برله مكده و محترم طوتمقده اولدىغىمىز كىتاب كرىمىدر . بىز كىندىلرىنه ايمان ايتىمىكلىه جىله پىغمبرلره ايمان ايتىمىش اولدىغىمىز كى او كىتاب كىزىنه ايمان ايتىمىكلىه دىخى بتون كىتب آللهيه ايمان ايتىمىش اولدىق .

قضا و قىدر — خىر و شر هر شىئك حق تعالى دن اولمىسدىر . قوللر كاسب ، حق تعالى خالق قدر .

آخىرت — دىنيانك صوكى دىمىكدىر كه بو عالم فانى تامىله و بالفعلى فنا بولدىقدىن صكره بىنه جناب خالق الكائناتك قدر و قدرتىله بشقه بر نشأت دىهالوله جىقدر كه اوراده اىيلر مكافات و فنالر مجازات كوره جىكلر و مؤمنلر جىنتده و مؤمن اولمىانلر ابدىآ و مؤمن اولوبده فنا عملده بولنهرق مغفور اولمامش اولانلر كىناهلرى مقدارى جىهمده قاله جىقلردىر .

بىز بولنلرك جىله سنه ايمان ايتدىكىمىز جىهتله مسلمانىز . بولده جناب حقك بىزه بىوك احسانىدر . الحمد لله .

### عمل

مسلمانلاراك بىر بوجىهتى واردىر كه بوكا دىن و اعتقاد تعبىر اولنور . بولده عمل جىهتى واردىر كه اكاده شرىعت دىمىشىدك . جناب حق بولدىن مېلىننده قوللارىنه بر طاقم اعمال فرض قىلمشدر . آنلرك بىرنجىسى نمازدر .

### نماز

حق تعالى به وجه مخصوص اوزره عبادت ايتىمىكدىر . وجه مخصوصدىن



مقصود : افتتاح تكبیری ، قیام ، قراءت ، ركوع ، سجود ، قعود در [\*].  
نمازده شرط ، انسانده ستري لازم اولان يرلر مستورا اولدقدن صكره  
ارككه كوسترلمسى جائز اولميان اعضا دخى قپالى اولمق واوست ، باش  
وبدن ونماز قیلنه حق محل پاك بولمق ووقتی دخولنده قبلهیه قارشو  
طوروب قبله جنی نمازی نیت ایتك ودها اول آبدستلى اولمقدر .

### آبدست

آبدست — نمازده وسائر محترمت دینهیه مخصوص برتمیزلکدر .  
آبدست ، یوزه نور وقلبه سروردر .

آنك ده قاعدهسى بسمله چكوب نیت ایدهرك ابتداءالیرینی و صكره آغزینی  
وبورتی ودها صكره یوزینی ییقامق ، ثانیاً قوللیرینی دیرسكلریله برابر  
ییقامق ، ثالثاً باشك درت بلو كندن بر بلو كنه مسح ایتك ، رابعاً آیاقلیرینی  
طوپوقلریله برابر ییقامقدر .

آبدستده بودرت فعل ، یعنی یوز ییقامق واللریله برابر قول ییقامق  
وباشه مسح ایتك و آیاق ییقامق ، فرضدركه بونلرسز آبدست صحیح اولماز .  
آیروجه ال ییقامق و آغزینی وبورتی ییقامق وبونلری ، ویوز و قول  
و آیاق ییقامق ، اوچركره یایمق سنتدر . باشه مسح ایتك بركره دن زیاده  
اولماز . آنك سنتی هر طرفی قاپلايو مسح ایتكدر . الینك یاشیله قولاقلیرینی  
والنك ترسیله بوینی مسح ایتك دخی سنتدر . آبدستده نیت وبسمله  
ایله باشلامق وتعریف اولنان ترتیبه رعایت ایتك ومسواك استعمال ایلك  
و آبدستی آره كچیرمیهرك علی التوالی آلمق دخی سنتدر .

لسان شرعهده « فرصر » دیو دلیل قطعی ایله ثابت اولانه دیرلر .  
دلیل ظنی ایله ثابت اولانهده « راصب » دیرلر . آبدستك واجبی یوق

[\*] بونلریدنجه صحیفهده وصف صلات فصلنده مبیندر .



ونمازك واردر . « سنت » فرض و واجب اولمى-هرق پيغمبر من صلى الله تعالى عليه وسلم افند من حضر تلرينك ايشلدكلرينه ديرلر [\*] . بك آز ايشلدكلرينه « مستحب » تعبير ايدرلر كه بونلر مشروعات انواعيدر . غير مشروع اولان شيلرك قطعياً ممنوع اولاننه « حرام » وغير قطعيسنه « مكروه » ديرلر . مثلاً قادين قسمتك ار ككه كورنمى وار ككلر ايچنده آبدست آلمى حرامدر يعنى قطعياً ممنوعدر . آبدستده صويى اسراف ايتك مكروهدر . آبدست صوينك تميز اولمى ومثلاً كلب يالامش اولمى دخی شرطدر . كدى ايچرسه مكروه اولور .

### بش وقت نماز

آبدست تعريف اولمى-ديغى اوزره آلدقن صكره معين اولان بش وقتده نماز قيلنور كه جملهسى احكاميدر . قيلميان كنهكاردر . اينانميان مؤمن دكلدر . هر وقتك نمازى بشقه بشقهدر . صباح نمازى درت ركعدر . اولايكى ركعت سنت قيلنور . بعده ايكي ركعت فرض قيلنور . اوكله نمازى اون ركعدر . اولادرت ركعت سنت بعده درت ركعت فرض قيلنور وفرضدن صكره ايكي ركعت سنتدها قيلنور كه بوكا « صوك سنت » تعبير اولنور . ايكندى نمازى سكر ركعدر . ابتدا درت ركعت سنت واردر . بعده درت ركعت فرض قيلنور . اقشام نمازى بش ركعدر . اولاوچ ركعت فرض وبهده ايكي ركعت سنت ادا اولنور . ياتسو نمازى اون ركعدر . اولادرت ركعت سنت بعده درت ركعت فرض قيلنور . وبهده ايكي ركعت صوك سنت قيلنور . صباح [\*] كنديلرندن صكره خلفاء راشدينك فعللرى دخی سنت داخلندهدر . پيغمبر منك قول شريفلرينه وتقريرلرينه يعنى كوروب وطويوب منع بيورمدقلىنه دخی « سنت » اطلاق اولنور .



واوكلاه و آقش-ام نمازلىرىنىڭ سەنتلىرى ھې «مۇكر» دركە اصلا ترك اولماز . ايكندىنىڭ سەنتىلە ياتسونىڭ ايلك سەنتى «غېرمۇكر» دركە پاك طار و ضرورتلى وقتدە ترك اولانە بىلور . ياتسونىڭ صوك سەنتى دخى اوكلەنىڭ صوك سەنتى كېي مۇكددركە ترك اولماز .  
ياتسونى نمازى بېتىدكن صكرەدە «وترنمازى» واردركە آنكەدە ھر كېچە قلىشى واجىدەر . او ، اوچ ركەتدر .

ركەت — قىيام ، قراءت ، ركوع و سجد فەللارندن حاصل اولور . نمازدە «قىيام» قبلە يە قارشو اياقدە طور مقدر . «قراءت» قرآنندن برشى اوقومقدر . «ركوع» اللرىلە دىزلربنى طوتەرق اكيلىمكدر . «سجد» باشنى پرە قويمقدر . آكا «سجدە» دخى دىرلر . بر ركەتدە بر قىيام و قراءت و بر ركوع و ايكي سجده واردر . ھر ايكي ركەتدە بر دە اوطور مق واردركە آكا «قعدە» دىنلور . ايكيدين زيادە ركەتلى نمازلىك قعدەسى ايكي اولور . برنجيسنە «قعدە اولى» و ايكنجيسنە «قعدە اخيرە» دىنلور . قعدە اخيرەدە سەلام و يربلوب نماز بېتورلمش اولور . قعدە اخيرە دخى داخل اولدىغى حالە قىيام و قراءت و ركوع و سجد نمازك اركانىدركە آنلر نمازدە فرض اولدىغىدىن نماز آنلرسىز اولماز [\*] . ھر ركەتدە بر دە «قومه» واردركە ركوعدن صكرە طوغىر بلوب ديكلمكدر . بر دە «جلسە» واردركە ايكي سجده آرەسندە طوغىر بلوب اوطور مقدر .

وترنمازىنىڭ صوك ركەتدە ركوعدن اول «قفوت» واردركە قىامدە ايكن بعد القراءۃ ال قالد يروب تكبير آلەرق ينە اللرىنى باغلايوب «اللهم انا نستعينك» : الخ دعاسى اوقومقدر .

رمضان شريف كېچەلرىنە مخصوص بر دە «تراويح نمازى» واردركە

[\*] اركانك بريده افتتاح تكبيريدر . بيانى كلور .



يكرمى ركهتدر . آنى قىلىق سنت مؤكده در . ياتسوايله و تر نمازى آره سنده  
قىلنور . ايكي ياخود درت ركهتده برسالم و يريلور .

### صفت صلات

صلاة — نماز ديمكدر « صفت صلاة » دخى نمازك نصل قىلنه جنى  
ديمكدر . نمازه كييملى ، قوشاملى طوريلور و صاچلار كورنماك اوزره  
باشلار قالينجه بر نماز بزي ايله اورتيلور . برخانم ابدستنى آلوب باشنى  
اورتدكن صكره قبله به [ ۱ ] قارشو آياق اوزرى طوروب قبله جنى نماز مثالا:  
صبح نمازى ايسه وقتنده قىلدیغنه كوره : « نیت ایلدم صباح نمازینك  
سنتنى ( ياخود ) فرضنى ادايه . » و وقتنده قالقه ميوبده كونش چيققدن  
صكره قبله جق اولور ايسه : « نیت ایلدم صباح نمازینك سنتنى ( ياخود )  
فرضنى قضايه » ديوب [ ۲ ] ايكي الارينى اوموزلرى حذاسنه قدر  
قالديره رق و آوچلرى ايچنى قبله به قارشو كتوره رك كندي ايشيده جك  
قدر « الله اكبر » دير و كوكسى اوستنه الارينى باغلار . يعنى صاغ النى صول  
الينك اوستنه قويه رق كو كسند طوتار .

« الله اكبر » ديمكه تكبير تعبير اولنور . هر ركهتك انتقالاتنده يعنى كرك  
قيامدن ركوعه و ركوعدن سجوده و ارلدقده و كرك سجوده دن جلسه كلند كده

( ۱ ) قبله من مكه مكرمه ده كى كعبه معظمه در .

[ ۲ ] نمازى وقتنده قيلمغه ( ادا ) و وقتنى كچور دكن صكره قيلمغه ( قضا )  
تعبير اولنور . هر نمازده نیت بوكا كوره اولور . ( قضا ) فرض اولان نمازلره ،  
برده و تر نمازينه مخصوصدر . صباح نمازینك سنتندن ماعدا اولان سنتلر قضا  
اولنماز . انك ده قضا اولمى كونى كونه اوكله وقتى كيرمزدن اولجه قلند ينى  
صورتده در . كونى كچه جك و ياخود اوكله وقتى كيره جك اولور سه اودخى قضا  
اولنماز . يالكز فرضى قضا اولنور . هر نمازى وقتنده قيلمغه همت ايلملى ، كچكدر .  
ماملى و قضايه بر اقامليدر . پيغمبر من صلى الله تعالى عليه وسلم افند من : « افضل اعمال  
نمازى وقتنده قيلمق و ابوينه حرمت ايتمكدر » بيور مشلردر .



و جلسه دن سجده یه کیدلدکده و سجده دن قیامه و یا قعدده یه قالقدده  
 و یا خود قعدده اولادن قیامه انتقال اولندقدده «الله اکبر» دینلور که: یارب  
 سکا نه صورتله عبادت اولنسه سن اندن متعالی سین. دیمک مقامنده در.  
 نمازک ابتدا سنده اولان تکبیره (افتتاح تکبیری) تعبیر اولنور. بوده نمازک  
 فروض وارکانی جمله سندن در. هیچ بر نماز بونسر اولماز. نمازده ال قالدیر مق  
 افتتاح تکبیرینه و برده و تر نمازینک قنوتیچون ایدیلله جک تکبیره  
 مخصوص در [۱] و سندن در. افتتاح تکبیرندن صکره او قونده جق شی  
 «سبحانک اللهم» الخ در. اندن صکره «اعوذ بالله من الشیطان الرجیم»  
 «بسم الله الرحمن الرحیم» دینوب فاتحه سوره سی او قنور و نهایتنده «آمین»  
 دینور. بعده ضم سوره ایدیلور که فاتحه شریفه دن بشقه بر سوره یا خود  
 برقاج آیت کریمه او قنور. سبحانک الخ او قومق و اعوذ، بسمله حکمک  
 و نهایت فاتحه ده آمین دیمک سنت و فاتحه شریفه یی او قومق و ضم سوره  
 اتمک واجبد در. بو واجبلرک ضمیمه فریضه قراءت یرینه کتورلمش اولور.  
 و بونلر هپ کندی ایشیده جک قدر کیزلی او قنور.

بعده الله اکبر دیو رکوعه و اریلور. و اوچ کره «سبحان ربی العظیم»  
 دینور که بوکا تسبیح دینلور. آندن صکره «سمع الله لمن حمده» دیندرک  
 قومده یه طوغریلنور و قومده «ربناک الحمد» دینور. اولکیسنه تسبیح  
 و بوکا تسبیح تعبیر اولنور. بعده «الله اکبر» دیو سجده یه و اریلور  
 و اوچ کره «سبحان ربی الاعلی» دینور که بونک دخی اسمی تسبیحدر. آندن  
 صکره «الله اکبر» دیو باش قالدیریلوب جلسه یه طوغریلنور. بعده ینه  
 «الله اکبر» دیوب ایکنجی سجده یه و اریلور و ینه اوچ کره «سبحان ربی  
 الاعلی» دینور. بعده «الله اکبر» دیو ایکنجی رکعتیه قالقیلور.

[۱] بیرام نمازلرنده دخی تکبیرات زائده ده ال قالدیریلور ایسه ده انی  
 قادیلر قیلماز.



ایکنجی رکعت دخی برنجی رکعت کبیر شوقدر که آندہ سبحانک  
واعوذ او قنویوب بسمله باشلانور. ایکنجی رکعتک ایکنجی سجده سندن  
صکره قعدہ اجرا اولنور. اندہ اوقونہ جق شی اکر قعدہ اولی ایسه یالکز  
التحیات الخ دره. واکر قعدہ اخیرہ ایسه التحیات الخ دن صکره «اللهم صل»  
دخی اوقنور [\*]. قعدہ اولی اولدیغنه کوره التحیات الخ اوقوندیغنی  
متعاقب «الله اکبر» دینهرک اوچنجی رکعتہ قیام اولنور. قعدہ لردہ التحیات  
اومق واجب اولدیغنی کی قعدہ اولاده تحیاتی متعاقب اوچنجی رکعتہ  
قیام ایتک دخی واجبدر

اوچنجی رکعت ایکنجی رکعت کبیر دررنجی رکعت دخی اویله دره.  
شوقدر که درت رکعتی نماز اکر فرض ایسه صوک ایکی رکعتده یالکز  
فاتحه شریفه اوقنور ضم سوره ایدلمیه رک رکوعه واریلور واکر سنت  
ایسه صوک ایکی رکعتده دخی فاتحه شریفه ضم سوره ایدیلور. اوچ  
رکعتی نماز آقشام نمازینک فرضیه صلات وتردن عبارت اولوب بونلردن  
آقشام نمازینک اوچنجی رکعتده فاتحه شریفه متعاقب رکوعه واریلور.  
وتر نمازینک اوچنجی رکعتده ایسه فاتحه شریفه ضم سوره ایدیلور.  
بعده یکیدن نمازه طور رکبی «الله اکبر» دیوال قالدیرلوب باغلانهرق  
قنوت اولنور یعنی «اللهم اناسئعینک» الخ دعای اوقنور. اندن صکره  
رکوعه واریلور. نمازلر قعدہ اخیره نک نہایتندہ ایکی طرفه ویریلان  
سلاملر ایله نہایت بولور که تحیات وصلواتدن صکره باشنی اولاً صاغ  
وصکره صول طرفه چویره رک هر ایکی جانبہ «السلام علیکم ورحمة الله»  
دیمکله نمازدن چیقلش اولور.

[۰] ایکندینک ویاتسونک درت رکعتی سنتلرنده قعدہ اولی قعدہ اخیره کی عد  
اولنهرق «اللهم صل» لر اوقنور و اوچنجی رکعتہ قیامده نمازه یکی باشلار کی  
سبحانک واعوذ دخی زیاده ایدیلور، درتده برسلام ایله قلنان تراویح نمازنده  
دخی بوقاعدیه رعایت اولنور.



دقت ایدی که نمازك ابتدا وانتهاسند، ذکر مراد اللهدر، وایچنده او قود یغمز  
 کلام الله و کلام رسول اللهدر، بناء علیه «الله اکبر» دیو افتتاح تکبیرینی آلهرق  
 نمازه طور د یغمزدن اعتباراً سلام ویرنجدهیه قدر نمازك خارجند بزه مباح  
 اولان شیلر، مثلاً یمکار، ایچمکار لقردی ایتمکار حرام اولور. بونلردن برینی  
 یاپه جق اولسه ق نماز من بوزیلور. قادین قسمنه کوره نمازده باشی آچیلق  
 ویا صاحی یا خود وجودندن بریری کور نمك ایله دخی نماز فاسد اولور. نمازه  
 طوران آدم کندینی حضور حقه و تکریمنه مناجاتده بیلهرک کال ادبله  
 بولمق ایچون اطرافه باقمق واثوابنی دوز لیمك و قاشمق و آغزینی آچارق اسنه مک  
 و برینه سوز و باقاش کوز ایتک و یا خود قصداً او کسور مک کی شیلردن احتراز  
 ایتملیدر [\*] کوزلرینی یومیوب قیامده سجدده ایدم جکی محله ور کوعده  
 آیاقلرینک اوستنه و سجدده بورنک اوجنه و جلسه و قعدده کندی  
 قوجا غنه و سلام ویرر ایکن آموزلرینه باقمق آداب صلاتدنذر.

رکوعه وارد قده دیزلرینی پک دیک طوتمیوب پارمقلرینی بری برندن آیرمیهرق  
 اللرینی دیز قاپاقلری اوزرینه قور وارقه سنی دوز و برازمیللی طوتار و سجددهیه  
 واریلور ایکن یره ابتدا دیزلرینی و صکره اللرینی ودها صکره باشنی کتیرر.  
 سجدده دن قیامه عودتده بونک عکسینی یاپار که ابتدا باشنی و صکره اللرینی  
 ودها صکره دیزلرینی قالدیرر. سجدده ایتدیکی وقت پورتی دخی آلی  
 ایله برابر یرده بولندیرر و یوزی ایکی اللرینک آره سنده بولنور و پارمقلرینی  
 آچاز و طویل طور و ب قارنی اویلقلرندن و قوللری قولتقلرندن اوزق اولماز.  
 جلسده و قعدده صول قایناغنی یره کتیروب صاغ قایناغنی آلتندن آیاقلرینی  
 چیقارر و یا غنه کتیروب دیک طوتماز و اللرینی اویلقلری اوزرینه قور.  
 قرآن اولمیهرق نمازده اوقنان شیلر و افتتاح تکبیرندن ماعدا تکبیرلر  
 و تسبیحلر و تسمیع و تحمیدلر و قیام و رکوع و سجدده کی وضعیتلر بتون  
 [\*] مکروهات و مفسدات یکدیگرینه مزج ایدیلهرک ذکر اولمشدر.



سنت وانلردن ماعدا ادبہ متعلق تعریف ایدیلاں شیر مندوب و مستحبدر .  
 اخطار - قیز چو جقلر جامعده بولندقلری وقت اک کیروده  
 طوروب صف باغلارلر . صفلق قدر دکلر ایسه قادیلرک اره سنده  
 طوررلر . امامه او یوله جنی زمان یوقاریده تعریف اولنان نیتہ «اویدم  
 امامه» تعیریخی دخی زیاده ایدوب نمازده امامه متابعت ایدرلر . جماعتله  
 قلنان نمازلرده تکبیرلردن و سبحانک دن و تسبیح و تحمیددن وقعه لرده کی  
 تحیات وصلواتدن ونهایتده کی سلاملردن بشقه برشی اوقنماز . امامک  
 جهرأ اوقودیغی نمازلرده « ولا الضالین » دیدیکی وقت کیزلیجه « آمین »  
 دینورکه « یارب دعا منی قبول ایله » دیمکدر .

نمازک ختامنده هر سلام ویرلدکجه اوقونمقده اولان « اللهم انت السلام  
 ومنک السلام تبارکت یا ذا الجلال والا کرام » جمله سی اوقوندقدن صکره  
 « سبحان الله والحمد لله ولا اله الا الله والله اکبر ولا حول ولا قوة الا بالله العلی  
 العظیم » دینور وبعده اعوذ چکیله رک آیه الکرسی اوقنور . آند نصکره  
 بر تسبیح طوتیلهرق یاخود پارمقلرینک ایچ بوکوملریله حساب اولنهرق  
 اوتوز اوچ دفعه « سبحان الله » و اوتوز اوچ دفعه « الحمد لله » و اوتوز  
 اوچ دفعه « الله اکبر » دینور . بعده « لا اله الا الله وحده لا شریک له  
 له الملك وله الحمد وهو علی کل شیء قدیر » دینوب الارکوکسه طوغری  
 قالدیریلهرق و آوجلر یوزه مائل طوتیلهرق کمال تضرع ایله حق جل  
 و علا حضر تلیرنه نیازودعا اولنور .

دعا دخی عبادتدر . الله تعالی دن حاله مناسب هرشی استیلور .  
 اک زیاده ایستنه چک شی عفو وعافیت وحسن وعاقبت و سزله کوره همده  
 حسن نشانددر .

پادشاه اسلام پناه حضر تلیرنه خیر ایله دعا ایتمک هر کس ایچون وظیفه در .  
 ابوینک صحت وسلامتلی وسعه عمر و معیشتلی ایچون چو جقلر دعا ایدر .



دعائک ہم اولندہ وہم آخرندہ برر کرہ صلوات شریفہ اوقیوب  
ختمندہ « سبحان ربك رب العزة عما يصفون وسلام على المرسلين والحمد لله  
رب العالمين » ديهرك اللاريني تبرکاً وتقیلاً یوزینه سورر .

آبدستلی نمازلی انس-انلر یوزلرندن بیلنور . آنلرک یوزلری نورلی  
وسوعلی اولور . حق تعالی کندیسنه عبادت ایدن قوللرینی سور و آنلرک  
بدنلرینه قوت و عمرلرینه برکت و یوزلرینه ملاحت بخش و احسان ایدر .  
اللهم أعنا على ذکرک وشکرک وحسن عبادتک .

### اورج

امر آلهی اولان عبادتک بری ده رمضان شریف اورجیدر .  
اورج — رمضان کونلرینی [\*] امثالاً لامرالله صباحدن اقشامه  
قدر آچ و صوسز کچیرمکدر .

کیجهلری سحر و قی قالدیلوب « سحر » نامیلہ تدارک اولنان طعامدن  
یینور . بعده امساک وقتندن که ( شفق آندیغی زمان ) تعبیر ایتدی کمز و قیبدن  
اعتباراً دیمکدر اورجه نیت اولنہ رق کونشک غروبنه قدر بیه جکه  
وایچه جکه و سائر اورجی بوزان شیلره صبر ایدیلور . کونش باتنجه اورجیلر  
آچیلور . اورجه لسان عربده « صوم » و طومغه « امساک » و آچغه « افطار »  
تعبیر اولنور .

چو جقلریدی یاشنده نمازه و طقوز یاشنده اورجه باشلار . نمازلرینک  
و اورجیلرینک ثوابی آنلرک کندیلرینه عائددر . او کره دنه دخی عندالله  
تعلیم ثوابی وارددر .

بونلر یعنی نماز و اورج عبادت بدنیه درکه بدن ایلہ اولور . عبادتک  
[\*] اورج فرض اولیه رک سائر کونلرده دخی طوتیلور . یالکز سنه ده بش کون  
وادرکه آنلرده اورج طوتلماز . بونلر شکر بایرامنک ایلک کونیلہ قربان بایرامنک  
درت کونندن عبارتدر .



مالیسی یعنی مال ایله اولان قسمی دخی واردر . صدقه ویرمک و خیر و حسناتده بولمق او قسمدندر . بونلر مندوب و مستحبدر . عبادت مالیه نك فرض و واجب قسملری دخی واردر . زکات ، زنکینلره فرض و صدقه فطر ، واجبدر . چوجقلر زنکین دخی اولسه زکات آنلره فرض اولمديغندن بوراده آندن و جندن — که اوده من جهة عبادت مالیه در — بحث اولمیه جقدر . فقط صدقه فطر اهل یسار اولان بیوکه و کوچیکه لازم اولدیغندن آنی چوجقلرک بیلسی اقتضا ایدر .

«صدقه فطر» اورج آچق ایچون ویریلان صدقه معناسنه اوله رق رمضان شریفک صو کند و نهایت بایرام کوتی کچیر میهرک ایدی لان تصد قدر که مقداری هر سنه مطبوع ورقه لر ایله تعیین اولنه کلمشه در . خلاصه سی ، بر فقیرک اقشاملق و صبا حلق بیه جکی و یا خود آنک بدلیدر — هر کس علی مراتبهم ویرر زنکینلرک کی عالیمنا بانه اولور . آنی بیوکلر هم کندیلری ایچون ، همده چوجقلری و کوله و جاریه لری ایچون اعطا ایدر لر [\*] . چوجقلرینک اگر کندو مال و آچه لری و ارایسه صدقه فطرلرینی چوجقلرک کندی پاره سندن ویرر لر ،

### وظائف ادبیه

انسان ایچون ادبک بیوک وظیفه در . مخلوقه قارشو اولان وظیفه ادبیه نك باشلیجه سی انسان کندندن کوچکنه شفقت و مرحمت و بیوکنه تعظیم و حرمت ایتمکدر . تعظیم و حرمت ایدلمسی لازم اولان بیوکلر برنجی در جهده خلیفه روی زمین پادشاه همزافند من حضر تلیدر . بعده انا و بابا و خواجه در .

[\*] چوجق ، بالغ اولیان دیمکدر . مبدأ سن بلوغ طغوز و منتهای سن بلوغ اون بشدر . کوله و جاریه دن مقصود آزادلی اولیانلر در . آزادلیلرک صدقه فطرلری کندی کیسه اقتدارلرینه عائد اولدینی کی اجرتلی اوشاق و خدمتچی قیز و قادینلرک صدقه فطرلری دخی کندیلرینه عائددر .



بولاره و كندىنى بيلور هر بيوكه حرمت ورعايتله برابر كندندن  
 كوچكلره مرحمت و شفقت اوزره معاملله ايتلى و فقيرلره كبر ايتيوب  
 آجمليدر . فقيرلر دخی صبر و قناعت اوزره بولنوب آج كوزلى اولمامليدر .  
 قزىلر بيوكلك و يردكلى تربيه يى حسن تلقى ايتلى و آغز باشلى خانم  
 اولمامليدر . آغزىنى يلان سويله مكه و بدللكه و يمين ايتمكه و آند و يرمكه  
 آشدر ماملى و هر لقردى يه قارشى مامليدر . هرايشتيديكى ده سويله مامليدر .  
 ايلر و تربيه ليلر ايله كوريش-وب حسن خلق پيدا ايتلى ، چتين خويلى  
 اولمامليدر . چركين خوى چركين يوزدن دها چركيندر . كوزل خويلى  
 اولانلر يابانچيلر آرس-نده بيله اقربا كى بولنورلر . چركين خويلولر  
 ايسه كندى اقرباسى ايچنده دخی يبانجى صايلورلر . كچه ايركن ياقوب  
 صباحلين ايركن قالملى و آبدستى آلوب باشنى طاراملى و كينوب قوشانلى  
 و لباس و بدتى دائما تميز طوتمليدر . ايركن قالميانه تنبل ديور . تميز  
 اولمياندىن هر كس ايكره نور .

هر هفته طرناغكى كس . هر كسك ايچنده ساقز جيكنده . ديش  
 قارشدرمه . پارمغكه كى يوزكله اوينامه . قهقهه ايله كولمه . كرينمه .  
 چوق اسندهمه . اسندهمك كلورسه اغزكى الكله قاپا . پارمغكى بورنيكه  
 صوقه . آشكاره سندن اوتانه جغك شيشى كيزلى دخی ياپمه . بشقه سنده  
 صوريلان شيشه سن جواب ويرمه . ياك بيديكك زمان ييمك ايچون  
 يشانقده اولميوب بللكه يشانه جق قدر ييمك يينيك لازم اولديغنى  
 خاطر ايوپده اكا كوره اكل ايت ، بوغاز كار اولمه . بيوكلر باشلامدقچه  
 س-فره يه ال اوزاتمه . كندى او كندى يى ، ايلرو كيمه . اثنای طعامده  
 بشقه سنك يمكنه و بيديكنه باقمه . بسمله ايله باشلا ، الحمد لله ايله قالق .

الحمد لله على التمام . والصلاة والسلام على سيد الانام . وعلى آله الطيبين  
 وصحبه الكرام . وقد اتفق ختامه مثل ( نعمة الاسلام ) فى قزىل طپراق  
 فى اوائل فصل الخريف سنة ۱۳۱۲ من الهجرة المقدسة





